



UNIVERSITÄTS-
BIBLIOTHEK
PADERBORN

Universitätsbibliothek Paderborn

**S. Avrelii Avgvstini Hipponensis Episcopi Et S. R. E.
Doctoris Vita**

Lancilottus, Corneille

Antverpiæ, 1616

Cap. XI. D. Augustinus præsidet Concilio Carthaginensi, ad quod Catholici
& Donatistæ magno numero conueniunt.

urn:nbn:de:hbz:466:1-42857

rum Episcoporum, cum ab Attalo quæ timebantur pericula cessassent. Quare Imperator, *Sciant*, inquit, *omnes sanctæ legis inimici*, (sic hæreticos nominat) *plectendos se pænâ proscriptionis & sanguinis, si ultra conuenire execrandâ sceleris sui temeritate tentauerint.*

L. 51. De
hæres.
C. Theo.

CAPVT XI.

D. Augustinus præsidet Concilio Carthaginensi, ad quod Catholici & Donatistæ magno numero conueniunt.

HVNC igitur in modum exasperatis hæreticorum animis, cum præter cetera quibus Catholicos afficiebant mala, calce etiam & aceto non paucorum oculos excæcarent, omni rursus ope contendens Augustinus, ut aliqua ratio quietis iniretur ab Honorio impetrauit, ut ad colloquium eo postulante vocarentur. Igitur Catholicorum Episcopi C. C. LXXXVI. Carthaginem veniunt, ubi locus indictus, summâ modestiâ & grauitate confidentes: Donatistæ non infrequentes, C. LIX. Episcoporum turba eodem concurrunt, festinoque impetu Thermas Gargilianas petunt: non autem Ecclesias Catholicorum, quod eas dicerent cacodæmonis esse synagogas. Huic omnium celeberrimo conuentui

August. ad
Donatist.
post Col-
lat. cap. 25.

Augu-

P. Ribadi-
acira.

Augustinus non solum interfuit, verum-
etiam praefuit; cuius quoque breuiarium est
ab eo conscriptum, quod etiamnum ex-
stat, & per Ecclesias Africę Quadragesimali
tempore legi solebat in Orthodoxę plebis
confirmationem, & perpetuam tantę vi-
ctoriæ, per Catholicos Episcopos, Augusti-
num in primis, memoriam. In eo coacti
sunt Donatistę fateri, vnam esse Catholi-
cam Ecclesiam toto orbe diffusam, à quā
nemo sine salutis interitu separatur, eam-
que non sic infici posse vitiis hominum
perditorum, vt sancta atque Catholica de-
tinat esse. Hanc eandem cum à Pontifice
Romano semper administratam fuisse Au-
gustinus euinceret, haud vltra sibi tempe-
rantes seditiosi homines, propter innatam
eorum animis contentionem atque fa-
ctum, non in Marcellinum tantum, qui
Cognitoris ibidem officio fungebatur, ve-
rum etiam in ipsius Christi Vicarium con-
tumeliosè sunt debacchati. Neque tamen
nulla utilitas conuentum istum secuta fuit,
nam illis sectę ducibus obstinatā voluntate
renitentibus veritati, facta est ad Ortho-
doxos aliquot millium è popularibus, quin
& Episcopis accessio: quæ res tum operæ
pretium attulit, tum Augustino præ reli-
quis magnæ voluptati fuit.

CA.